

WÉI KANN EE SECH FIR DE SPROOCHENTEST ASCHREIWEN ?

D'Aschreiwung muss spéitstens e Mount virum Datum vum Test am Institut national des langues gemaach ginn.
Fir sech anzeschreiw muss de Kandidat dës Dokumenter ofginn :

- En ausgefëllten Aschreifformulaire
- Eng Fotokopie vu sengem auslännesche Pass
- Eng Bankquittung, déi beweist, datt d'Aschreifkäschte vu 75 Euro op de Konto CCPL LU57 1111 2993 9957 0000 vum « Institut national des langues » bezuelt gi sinn mat der Maatdeelung « Examen - Sproochentest ».

Am Fall, wou de Kandidat keen auslännesche Pass huet, mussen Koper vum dësen Dokumenter am Dossier sinn:

- Eng Identitéitskaart, déi vun dem zoustännegen auslänneschen Amt ausgestellt ginn ass
- E Reesdokument fir Réfugiéen, ausgestellt vum Ministère des Affaires Etrangères
- E Reesdokument fir Staatenloser, ausgestellt vum Ministère des Affaires Etrangères
- E Reesdokument fir Auslänner, ausgestellt vum Ministère des Affaires Etrangères
- Eng Carte de séjour, ausgestellt vum Ministère des Affaires Etrangères et de l'Immigration

En Zertifikat vum Ministère des Affaires Etrangères et de l'Immigration, Direction de l'Immigration, dee beweist, datt de Kandidat als Réfugié am Sënn vun der Konventioun vu Genève vum 28. Juli 1951 unerkannt ginn ass

Wann den Dossier mat der Post geschéckt gëtt, gëlt den Datum vum Poststempel fir d'Aschreiwung.

Nëmme Kandidaten, déi e kompletten Dossier am INL ofginn, si fir de Sproochentest zougeloo. All Dossier, dee um leschten Aschreifdag nach net komplett ass, gëtt op déi nächst Sessioun verluecht.

De Kandidat kritt 14 Deeg virum Test de geneeën Datum an d'Auerzäit matgedeelt. Wann de Kandidat dësen Horaire net respektéiert, gëtt e vum Test ausgeschloss.

All Kandidat muss sech virum Sproochentest mat deemselwechten Dokument ausweise kënnen, dat als Kopie a sengem Dossier läit.

E Kandidat, deen net an den Test kënn a keng Entschëllegung huet, kritt seng Aschreifkäschtchen net erëm a muss sech nei aschreiw.

Et kënnen net méi Kandidaten ageschriwwen ginn, wéi fir eng Sessioun virgesi sinn an d'Demandë ginn der Rei no ugeholl. D'Kandidaten, déi net zrëckbehale konnte ginn, gi prioritär an déi nächst Sessioun ageschriwwen.

*Règlement grand-ducal du 31 octobre 2008 concernant l'organisation des épreuves et l'attestation de la compétence de communication en langue luxembourgeoise parlée pour être admis à la naturalisation. Art. 5